

meurzh 1989



- evit daremprediñ an Tad
- noz Fask - 25 meurzh
- ar sul Fask - 26 meurzh
- eil sul Pask - 2 ebrel
- trede sul Pask - 9 ebrel
- pevare sul Pask - 16 ebrel

ar
fulenn 14

Daremprediañ an Tad...

Anavezout mat a reomp parabolenn ar mab foraner, e-giz maz omp boas d'he en-vel. Evelato e vefe gwelloc'h he zalbenniñ: parabolenn an tad foraner. Ur foraner, un drouzavier karantez. Tennet e vez an evezh, da gentañ, war ar mab pa vefe ret hen ober war an tad. E gwirionez, tenerded diziwezh un Doue-Tad eo a zo diskleriet dimp en danevellig-se. "Tad ar c'hendrugareziou" evel ma vezo anvet diwezhatoc'h gant Sant Paol (2 Kor. 1.3). An holl a anzav ez eo unan eus ar c'haerañ skeudennoù a Zoue a vefe bet morse treset. Hogen, Mab an Doue-se E-unan eo en deus livet an daolenn-se.

Jezuz eo an hini en deus en em c'hraet den evit diskleriañ dimp un Doue a zeu en arbenn d'an dud, en ur zigeriñ dezho bras e zivrec'h evel ma ra tad ar mab foran. An Aotrou Krist en deus graet ur vuhezadur (expérience) a Zoue, ken c'hwec ken don, ken uhel, kement a zanvez mat ennañ m'en deus fellet dezhañ lodennañ ganimp ar garantez-se evit e Dad, ur garantez hag a zev anezhañ. Lavaret en deus, un deiz, : "Pep tra a zo bet roet din gant va Zad..." N'eus ket bet roet dezhañ un impalaeriezh vedel, un diharzveli bennak, met pep anaoudegezh eus e Dad hag eus vennad a zo da vezañ dasroet d'an dud.

"Va Zad" setu erfin kreizenn an Diskuliadur. 'Ha kefridi nemeti ar Mab a zo dasreñf da vab-den ar pezh a oar-Eñ a-zivout e Dad, dre skiant-prenañ. Pa zigomp an avieloù, ez eo sebezus merzhout pegen alies e kaver ar ger "Tad" evit en-vel Doue, war muzelloù Jezuz. En e holl bedennoù e ra gant ar ger-se evit daremprediañ Doue. En arameeg: Abba. Ober a ra aze un dra n'en defe ur yuzev morse kredet ober. Lakaat a ra da Zoue un anv graet gantañ er vuhez pemdeziek: Abba, da lavarout eo Tadig. An hardizegezh a zo gantañ da vont da Zoue gant ger ur babig o vont d'e dad, gredus hag emzilezus. Gant ar ger-se karget a garantez hag a zoujañs ar verret gant ar mab deuet bras evit komz ouzh e dad.

Morse ne vije deuet war spered ur yuzev treiñ ouzh Doue gant ur gerienn ken dichek. Amañ ez eus eta gant Jezuz un dra bennak nevez hag iskis. Pebezh darempred mabell! Pebezh buhez a vab!

An Tad ne gomz ket, war-eeun, ouzhip. Diskleriet eo gant e Vab. Gant an dud ivez, alies, ar mab a ro e dad da anavezout. Kuzhet eo an Tad "en ur sklerijenn dizarempredus" (1 Ti 6.7). Met Jezuz a Nazared, Mab peurv, a zo skeudenn peurv, stumm peurv, leuriad peurzisi e Dad en hor c'hichen dimp-ni. Kement jestr, kement emzalc'h, kement ober, kement soñj a zo gant Jezuz a lavar dimp piv eo Doue.

Hag hor pediañ a ra, hor gervel a ra d'ur vuhez a vab, d'ur vuhez a grouadur, a vugel. Fellout a ra dezhañ hon dibradañ, holl, betek e Dad hag hon Tad. Dellezet en deus evidomp an nerzh da vont d'an Tad, betek penn.

Hogen, graet e vez alies e-giz ma vije Jezuz an Nazaread an termen hag ar ger diwezhañ war an Aotrou Doue. Eñ, koulskoude, ne chom morse en tu-mañ dezhañ E-unan: mont a ra larkoc'h egetañ E-unan. Ne baouez ket da ober dave d'an Tad. Ne ehan ket da ziskouez gant e viz an Hini maz omp bleniet gantañ betek ennañ. Bez ez eo eta un poent-loc'hañ ha n'eo ket ur poent-echuiñ. "Pa vez diskouezet al loar, gant ar biz, eme ur c'hrennlavar sinaat, ar genaoueg a sell ouzh ar biz ha nann ouzh al loar." Jezuz eo ar biz o tiskouez an Tad, o vezañ maz eo an Hante-

rour, an Iremen. Evelato ar gentel a zo gant ar c'hrennlavar-se a rank bezañ dinerzhed, rak war dachenn ar Feiz, an Hini a ziskouez a zo kement hag an Hini diskouezet. Koulskoude, an nep piv bennak na barrfe ket e sellou nemet war ar biz en em douellfe hag a vreinf, a zismantfe ster buhez, marv ha dasorc'h Jezuz Krist.

Bez e c'hellomp anavezout ar Mab hag evelato an Tad a zo un estren evidomp. Ma ne vez komzet nemet eus Jezuz ha Jezuz hepken e tisoñjer ez eo Mab Doue an Tad. Dont a ra da vezañ neuze un idolenn zenel. Ar Mab disrannet diouzh an Tad. N'eo neuze nemet un hent-dall. Eñ hag en deus distaget un deiz: "Ne eo an Hent..." Un hent a ya d'un tu bennak. Jezuz n'eo ket un "hent" ned a da du ebet. Eñ eo an Hent hag a ya davet an Tad. Ha pep striv da dizhout, war-eeun, an Tad na dizh nemet un Doue bennak: un idolenn zoueel. Ar gwir Dad ne vez tizhet nemet dre ar Mab.

Arabat sac'hañ er C'hrist evel un termen, evel un dibenn-hent. En em lezomp avat da vezañ bleniet ha sachet gantañ betek an eienenn, betek an oaled, betek kalon an Tad. Ar griteniezh wirion a zo pignadur war-du an Tad da heul ar Mab. Er Mab. Rak seul-vui ma spegomp ouzh Jezuz ar Mab, seul-vui e teuomp da vezañ ar pezh maz omp, mibien ha merc'hed d'an Tad. Mard eo diank an Tad em buhez, ez eo o vezañ ma n'eoan ket c'hoazh en va aes e ser ar Mab. Chom a ra c'hoazh ar Mab e-vidon ur skouer diavaez, ur blenier estren din.

En em stagañ ouzh ar Mab, en ur bleustriañ vertuzioù mabel, vertuzioù krouadur-rel. Sant Vazhe (18.15) a zanevell dimp penaos e c'halvas Jezuz, un deiz, ur bugel hag e lakaas anezhañ dirazo, en ur lavarout: "Deoc'h e tiskleriañ hag ar wirionez a zo ganin, ma ne gemmit ket evit dont da vezañ evel bugale, ned afoc'h ket e Rouantelezh an Nefvoù."

An Tad ne c'hell ober netra gant tud-gour lorc'hus hag orbidas. C'hoantaat a ra kaout mibion en e Vab hag a gav blaz gant al levenez d'E envel Tad, gant un denerded vras, d'E santout ken mat ha ken nes outo. N'eus nemet ur gopr hepken hag a dlean kaout c'hoant dezhañ: e vefe laouen an Tad ganin an hini eo.

Youenn Troal - 8 meurzh 1989 -



noz fask

lennadenn gentañ ar veilhadeg- (pedomp sioul) Doue, evit dasparzhañ karantez, Te ac'h eus krouet ar bed hag an den. Bez e oa neuze unan da garout a-dal dit. Kanet ac'h eus da Garantez d'an den; hemañ, ali-es, n'en deus ket diskantet d'ar Garantez-se.

Aotrou Krist, peurzalc'het gant ar Spered Santel, adsevel a rez, adkempenn a rez ar Grouadelezh diskaret ha drastet. Meuleudi ha trugarez dit! Lennadenn eus Levr ar C'henelezh-1.26-31/2.1,2,3.

(AL LENNADENN VERRAN)

- 26 Hag e lavaras Doue :
 - « Greomp an den diwar hor skeudenn, heñvel ouzhip, hag e reno war besked ar Mor, ha war evned an Neñvou, ha war ar chatal ha war an holl loened gouez : ha war gement amprevan a ruz war an Douar. »
- 27 Hag e krouas Doue an Den diwar e skeudenn. Diwar e skeudenn e krouas anezhañ : gwaz ha maouez e krouas anezho.
- 28 Hag e vennigas Doue anezho hag e lavaras Doue dezho :
 - « Fouezhil ha kreskil, ha leugnit an Douar ha sujit anezhañ, ha renit war besked ar Mor ha war evned an Neñvou ha war gement tra bev a ruz war an Douar. »
- 29 Hag e lavaras Doue :
 - « Setu ! e roan deoc'h an holl c'heol oc'h ober had hag a zo war c'horre an Douar a-bezh, hag an holl wez a zo enno frouezh oc'h ober had. Deoc'h e vezint da voued. »
 - « Ha d'an holl loened gouez ha da holl evned an Neñvou ha da gement a ruz war an Douar hag a zo ennañ ene bev, (e roan) holl c'hizur ar geol evel boued. »
- 30 Hag e voe evel-se.
- 31 Hag e welas Doue kement en devoa grael. Ha setu e oa mat-lre.

eil lennadenn ar veilhadeg- (pedomp sioul) Doue, hon Tad, dieubet ac'h eus da Bobl eus dorn an Ejiptiad. Da Bobl a zo bet diframmet ganit eus ar marv ha kañset ganit d'ar vuhez.

Aotrou Krist, hon salviñ a rez eus marv peurbadel. Briatañ a rez an Iliz, da Bried. He gwalc'h a levezet dreist-fonnus a roez dezhi. Peurleuniet eo ganit a furnez. Reññ a rez dimp ur galon nevez. An hollved a drid hag a flamm. Setu-ni, badezet, dieubet, en hor sav, bev! Dit va devezhioù, dit va bennozhioù, dit va zrugarekadenoù!

Dugate Israel o treuzañ ar Mor-Ruz.

LENNADENN EUS LEVR AN ERMAEZIADeg 14,15 - 15,1

En deizioù-se e lavaras an Aotrou Doue da Voizez :

- 15 « Perak a kriez evel-se war-du ennon? Lavar da Vibion Israel kerzhout war-raok.
- 16 Hogen le, sav da vâzh hag astenn da zorn war ar mor ha faout anezhañ en daou evit ma c'hello Mibien : saes, mont dre greiz ar mor, war ar sec'h.
- 17 Evidon-me aval, ez an da gâledin katon Ejiptiz evit ma 'z aint ennañ war ho lerc'h-c'hwî; ha me a denno gloar warnon va-unan diwar goust Faraon hag e holl armead, e girri-engann hag e varc'hegerien.
- 18 Hag Ejiptiz a ovezto ez on me an Aotrou, pa vezin bet goloet a c'hloar diwar goust Faraon, e girri hag e varc'hegerien. »

noz fask

Neuze Ael Doue hag a gerzhe e penn arme Israel, a zilasas hag a yeas d'en em lakaat a-drek dezho; ar pilierad-koabz hag a veze en o raok, a ziblasas ivez hag en em zalc'has a-drek dezho.

- 20 Dont a reas d'en em lakaat etre armead Ejiptiz hag armead Israel; leñval e oa ar goabrenn diouzh un lu, mel diouzh an lu all e sklerie an noz. Hag an div arme ne dostajont ket an eil d'eben a-hed an noz.
- 21 Astenn a eure Moizez e zorn war ar mor hag an Aotrou a vountas ar mor war-gil gant un avel greñv o tonel eus lu ar sav-heol, a-hed an noz; disec'hañ a reas ar mor hag an douerier en em rannas.
- 22 Mont a reas Mibien Israel dre greiz ar mor, war ar sec'h, rak an dour a rae evito ur voger a-zehoù hag un all a-geiz.
- 23 Ejiptiz a yeas war o lerc'h : holl gezeg Faraon, e girri hag e varc'hegerien a yeas d'o heul dre greiz ar mor.
- 24 Mel da goulz ar veilhadenn-veure e sellas an Aotrou Doue eus kreiz ar pilierad lon ha koabz, war-zu armead Ejiptiz hag e lakaas dizurzh da sevel er o renkadoù.
- 25 Skorañ a reas rodou ar c'hirri ken ne c'helle mui ar remañ mont war-raok nemet gant poan. Neuze e lavaras Ejiptiz : « Tec'homp dirak Israel, rak emañ an Aotrou Doue o stourm evito a-enep Ejiptiz. »
- 26 Hag e lavaras an Aotrou Doue da Voizez :
 - « Astenn da zorn war ar mor, hag e listroio an dour war Ejiptiz ha war o c'hirri ha war o marc'hegerien. »
- 27 Ha Moizez da astenn e zorn war ar Mor, ha da darzh-an-deiz, e listroas ar mor d'e lec'h kentañ. Ejiptiz o tec'hel kuit a gavas ar Mor war o hent, o tonel warno, hag an Aotrou Doue o elpennas e-kreiz ar Mor.
- 28 An dour o tonel war e giz a c'holas ar c'hirri, soudenad war-varc'h holl armead Faraon hag a oa ael er Mor da heul Mibien Israel : ne achapas hini ebet anezho.

XV. 1

kempedenn- Aotrou Doue, en Noz Santel-mañ, hoc'h eus lakaet da lugerniñ gant gloar, hor Salver o sevel d'ar vuhez, / plijet ganeoc'h eta mirout et gristenien nevez a zo bet ganet deoc'h, ar spered a zo dezho bezañ ho pugale, ma c'hellint nevesaet a gorf hag a galon, bezañ guir servijerion deoc'h. Dre.....

lennadenn gentañ an oferenn- Badezet ez omp bet. Hag e perzhomp endev e Dasorc'hidigezh ar C'hrist. Bevomp eta e giz tud dasorc'het hag e vezimp gantañ, un deiz, er c'hlod.

«Ar C'hrist adsavet da vev ne varv mui.»
LENNADENN EUS LIZHER AN ABOSTOL SANT PAOL DA GRISTENIEN ROMA.

Breudeur ! 6, 3-11

- 3 Evel ma ouzoc'h, ni hag a zo bet badezet er C'hrist ez eo en e Varv ez omp bet badezet.
- 4 Lakel omp bet er bez a-unan gantañ dre ar Vadeziant evit mervel hag evit ma renimp ur vuhez nevez ni ivez, evel m'eo adsavet ar C'hrist dre c'halloud glorius e Dad, a-douez ar re varv.
- 5 Rak, mar domp bet unanet-strizh gantañ dre ur marv heñvel ouzh e hini, e vezimp ivez heñvel outañ dre un dasorc'h (resureksion) heñvel ouzh e hini.
- 6 Sonjomp ervat e kement-mañ :
an den kozh hag a zo enomp a zo bet staget ouzh ar groaz war un dro gantañ evit ma vefe distrujet an natur-se a bec'hed, hag evit na vefemp mui sklaved ar pec'hed.
- 7 Rak an hini a zo marv a zo distrujet diouzh ar pec'hed.
- 8 Neuze 'ta ma'z omp tremenet dre ar marv asamblez gant ar C'hrist, e kredomp e vezimp ivez asamblez gantañ.
- 9 Rak evel ma ouzomp e gwirionez :
ar C'hrist savet a varv da vev, ne varv mui, an Ankoù n'en deus ket a grog warnañ ken.
- 10 Rak marvet eo bet,
met d'ar pec'hed an hini ez eo marvet ur wech evit mat;
met bremañ ez eo bev, hag evit Doue an hini emañ o vevañ.
- 11 Evel-se c'hw'i ivez :
en em sellit evel marv d'ar pec'hed,
met bev evit Doue e Jezuz Krist, hon Aotrou.

SALM 117 1-2, 16 ad-17, 22-23
ALLELUIA ! ALLELUIA ! ALLELUIA !

- 1 Lavarit bennozh da Zoue, rak mat eo Rak peurbadus eo e garantez.
- 2 Ru lavaro Ti Israel :
Peurbadus eo e garantez.
- 16a Dorn dehoù an Aotrou 'n deus graet traoù kaer
E zora dehoù 'n deus va adsavet.
- 17 Ne varv ket, met bevañ 'rin
Hag e kontin oberoù an Aotrou.
- 22 Ar maen taolet huit gant ar vasonerien
'Zo deuet da vezañ Maen-Korn.
- 23 A-bez an Aotrou eo bet graet kement-se
Tra vuzhodus dirak hon daoulagad.

AVIEL BLOAVEZH C

«Perak klask e-louez ar re varv an Hini 'zo bev !»

LENNADENN EUS AN AVIEL SANTEL HERVEZ SANT LUKAZ 24, 1-12

- 1 En deiz kentañ eus ar sizhun, diouzh ar mintin, eus an abretañ, e leuas ar merc'hed d'ar bez ha ganlo al louzeier c'hwez-val o devoa aozel.
- 2 Kaout a rejont ar maen ruihet a-zirak ar bez,
met o vezañ aet e-barzh, ne gavjont ket korf an Aotrou Jezuz.
- 4 Ha selu pa ne ouient ket petra da sonjal war gement-se, en em ziskouezas daou zen dezho gant dilhad lugernus.
- 5 Evel ma oant spontet ha ma plegent o fenn war-zu an douar, e lavaras ar re-mañ dezho :
« Perak e klaskit e-louez ar re varv an Hini a zo bev ?
- 6 N'emañ ket amañ, mel savet eo da vev. Ho pet sonj e peseurl stumm en deus bet komzet ouzoc'h p'edo c'hoazh e Galilea, pa lavare :
Ret eo da Vab-an-Den bezañ lakaet etre daouarn ar bec'herien, bezañ staget ouzh ar groaz, ha d'an Ired e deiz dasorc'hañ.»
- 8 Neuze e leuas da sonj dezho eus e gomzoù.
- 9 Pa oant deuet en dro eus ar bez, e legemenjont an holl draoù-se d'an Unneg ha d'an holl reoù all ivez.
- 10 Bez'e oa amezho- Mari-Madalen, Yoanna, ha Mari, mamm Jakez, ar merc'hed all hag a oa ganlo a gontas kement-se ivez d'an Ebeselel.
- 11 Mel ar c'homzoù-se a seblantas dezho bezañ sorc'hennoù ha ne gredjont ket ar merc'hed.
- 12 Pér koulskoude a savas hag a redas d'ar bez :
hag o vezañ soublet e benn, ne welas nemet ar bandennoù
hag e listroas d'ar gêr, souezhet gant ar pezh a oa c'hoarvezet.

war ar profoù- Plijet ganeoc'h, Aotrou Doue, degemerout ar pedennoù a ginnig ho pobl deoc'h a-unan gant he frofrou, ha peogwir o c'hinnigomp deoc'h, er penn-kentañ eus Gouelioù Santel Pask, grit ma talvezint dimp, gant skoazell ho kras, da zigeriñ dimp dor ar vuhez peurbadus. Dre Jezuz Krist...

rak-kanenn veur - E gwirionez, Tad Santel, Doue hollc'halloudek ha peurbadel, un dra reizh ha dleet eo ho trugarekaat e pep lec'h hag e pep amzer, dreist-holl ha gant brasoc'h meuleudi en Nozvezh Santel-mañ maz eo bet Jezuz Krist, hon Dan-Pask lakaet d'ar marv evidomp. Rak-Eñ eo an Dan gwirion en deus dilamet pec'hed ar bed, en deus en ur adsevel eus ar bez, roet dimp en-dro ar Vuhez. Setu perak, gant Gouelioù Santel Pask e trid ar bed a-bezh en ur mor a levenez, hag holl Speredoù galloudus an Neñvoù a gan meuleudi d'ho kloar, en ur lavarout da viken:

antifonenn ar gouunion -(antifonenn ar c'heduniñ) An Aotrou Krist, hon Dan-Pask a zo bet aberzhiet, debromp eta bara hep goëll al lealded hag ar wirionez. Alleluia. (1 Kor. 5. 7-8)

pedenn goude komuniñ - Skuilhit enomp, Aotrou Doue, Spered Santel ho karantez, hag ar re hoc'h eus maget gant ar Sakramant, e-kerz Gouelioù Santel Pask, grit ma vint unanet-mat kenetrezo a spered hag a galon. Dre Jezuz Krist, hon Aotrou. Amen!

ar sul Fask

kanenn mont-tre- salm 138- Ne a zo adsavet hag a zo ganeoc'h hepred:lakaet hoc'h eus ho torn warnon: burzhudus ez eo en em ziskouezet ho furnez, alleluia!

kempedenn- Aotrou Doue,da geñver an Deiz-mañ,dre ho Mab unganet o trec'hijñ war ar marv,hoc'h eus digoret dimp dor ar beurbadelezh,roit dimp ar c'hras,ni ho ped,pa lidomp Gouel bras hor Salver o sevel a varv da vev,da vezañ nevesaet gant ho Spered Santel,ha da sevel,ni ivez,da sklerijenn ar gwir Vuhez.

lennadenn gentañ - War desteni an Ebestel ez eo diazezet hor feiz er C'hrist Dasorc'hel. Dreist-holl,war hini Pêr,penn an Iliz.

1^{an} LENNADENN

An Ebestel hag Ispital Sant Pêr .testoù eus J.K. adsavet a varv da vev.

LENNADENN EUS LEVR OBEROU AN EBESTEL 10, 34a, 37-43.

- 34a (P^{er} en em gavas Pêr e Kaezarea, e li Gornelius, kantener eus an arme Roman) e lavaras :
- 37 « C'hwi a oar peltra a zo c'hoarvezet dre Vro-Judea en he fezh, adalek ma ligoras an traoù e Galilea, goude ar vadeziantel bel prezegel gant Yann.
- 38 Diwar-benn Jezuz a Nazaret : Doue en deus sakret anezhañ gant eoul dre ar Spered Santel hag hen karget a neizh.
- Tremenet en deus oc'h ober vad hag o pareañ ar re holl a oa gwasket gant an diaoul : rak Doue a oa gantañ.
- 39 Ha ni a zo testoù da gement tra en deus graet e bro ar Yuzevien hag e Jeruzalem.
- Hen lakaet o deus d'ar marv en ur slagañ anezhañ ouzh ur groaz-koad.
- 40 Met Doue en deus e zasorc'hel d'an trede deiz, ha graet dezhañ en em ziskouez.
- 41 N'eo ket d'ar bobl a-bezh, met da destoù hel dibabel en a-raok gant Doue, dimp-ni hag hon eus debrel hag evel gantañ, goude ma oa adsavet a-douez ar re varv.
- 42 Hja roel en deus dimp ar garg da brezeg d'ar bobl ha da desteniñ ez eo Hennezh a zo bel diazezet gant Doue evel barnet ar re vev hag ar re varv.
- 43 Dezhañ e loug an holl brofeded an testeni-mañ : kement-hini a gred ennañ a resev drezañ ar pardon ^{eus} e bec'hejou.

SALM 117 1-2, 16ab-17, 22-23.

17 * HEMAÑ EO AN DEIZ EN DEUS GRAET AN AOTROU DEIZ A JOA HAG A LEVENEZ.

- 1 Lavarit bennozh d'an Aotrou, rak mat eo Rak peurbadus eo e garantez !
- 2 Ra lavar Ti Israel : Peurbadus eo e garantez.
- 16 Dorn dehoù an Aotrou 'n deus graet traoù-kar E zorn dehoù 'n deus va adsavet.

7

ar sul Fask

- 17 Ne varvin ket, met bevañ 'rin Hag e kontin oberoù an Aotrou.
- 22 Ar maen taolet kuit gant ar vasonerien 'Zo deuet da vezañ maen-korn.
- 23 A-berzh an Aotrou eo bet graet se. Tra vurzhudus dirak hon daoulagad.

eil lennadenn- Lidañ ar soñj eus an Dasorc'hidigezh a zo,war an hevelep tro ober dave da Aberzh ar C'hrist ha da aberzh holl arroudoù ar pech'hed ennoomp.

2^o LENNADENN

Bevañ a-unan gant Hor Salver dasorc'hel.

LENNADENN EUS LIZHER AN ABOSTOL SANT PAOL DA GRISTENIEN GORINTOZ 3, 1-4

- Breudeur !
- 1 C'hwi a zo savet a varv da vev a-unan gant ar C'hrist; klaskit eta an traoù eus an nec'h (krec'h) e-lec'h m'emañ ar C'hrist azezel en tu dehoù da Zoue.
- 2 Troit ho karantez war-zu an traoù eus krec'h ha nann war-zu traoù an douar.
- 3 Rak c'hwi a zo marv, hag ho puhez a zo kuzhet a-unan gant ar C'hrist, e Doue.
- 4 Met pa en em ziskouez zo ar C'hrist, eñ hon puhez, neuze c'hwi ivez en em ziskouez asambles gantañ e-kreiz ar C'hloar.
- 1 Kor. 5, 7b-8a Alleluia !
Hon Oan Fask a zo bet sakrifiet
Ar C'hrist eo !
Debromp gant levenez
Pred an Aotrou !
Alleluia

LENNADENN EUS AN AVIEL SANTEL HERVEZ SANT YANN 20, 1-9

- 1 En deiz gentañ eus ar sizhun, Mari-Madalen a ya abred diouzh ar beure, pa oa teival c'hoazh, d'ar bez, hag a wel ar maen lamet kuit a-ziwar ar bez.
- 2 Hag hi da redek ha da vont da gaoul Simon-Pêr hag an diskibl all karet gant Jezuz: ha lavarout a reas dezho: « Savet o deus an Aotrou kuit eus ar bez, na n'ouzomp ket pelec'h o deus a lakaet. »
- 3 Neuze ez eas Pêr hag an diskibl er-maez evit mont d'ar bez.
- 4 Redek a raent o-daou war un dro- met an diskibl all-se a lañsas war Bêr, dre ma rede buanoc'h, hag a zegouezhas da gentañ er bez.
- 5 O vezañ plegel e benn e welas war an douar ar bandennoù, Met koulskoude ne deas ket e-barzh.
- 6 D'e dro e legouezh Simon-Pêr hag a oa ouzh e heul mont a reas er bez; hag e wel

8

ar sul Fask

- 7 ar bandennoù war an douar, hag ivez al lienenn a oa bet war e benn :
homañ aval, ne oa ket gant ar bandennoù,
met disparti rollet en ul lec'h e-unan.
- 8 Ha neuze ec'h antreas an diskibl all ivez,
bet degouezhel da gentañ er bez;
gwelout a reas ha krediñ a reas.
- 9 Rak n'o devoa ket c'hoazh komprenet ar Skritur o lavarout e llec' adsevel
a-douez ar te varv.

war ar profoù- E-kreiz levezeg gouelioù Pask e kinnigomp deoc'h, Aotrou Doue, an
aberzh a gav an Iliz, drezañ, buhez nevez ha bevañs. Dre...

rak-kanenn veur - E gwirionez, Tad Santel, Doue hollec'halloudek ha perubadel, un
dra reizh ha dleet eo ho trugarekaat e pep lec'h hag e pep
amzer, met dreist-holl ha gant brasoc'h meuleudi, en Deiz Santel-mañ, maz eo bet
Jezuz Krist, hon Oan-Pask, bet lakaet d'ar marv evidomp. Rak Eñ eo an Oan gwirion
en deus dilamet pec'hed ar bed. En deus, en ur adsevel eus ar bez, roet dimp en-
dro ar Vuhez. Setu perak, gant Gouelioù santel Pask e trid ar bed a-bezh en ur
mor a levezeg, hag holl Speredoù galloudus an Nefvoù a gan meuleudi d'ho kloar, en
ur lavarout da viken...

antifonenn ar c'heduniñ - I Kor.5 - An Aotrou Krist, hon Oan-Pask, a zo bet a-
berhiet. Debromp eta bara hep goell al lealded hag
ar wirionez. Alleluia!

pedenn goude keduniñ-

Diwallit hep ehan hoc'h Iliz, Aotrou Doue, gant madelezh ha
karantez. Adnevesañ eo bet gant Misterioù Pask, grit dezhi eta erruout e slpann-
der an Adsav d'ar Vuhez. Dre Jezuz Krist, hon Aotrou.

- It e peoc'h hor Salver ! Alleluia, alleluia!
- Bennozh da Zoue, alleluia, alleluia!



eil sul goude Pask

kanenn mont-tre- Evel bugale nevez ganet, klaskit al laezh pur, laezh ar spered, e-
vit ma kreskot gantañ evit ar silvidigezh, alleluia!

kempedenn- Aotrou Doue, c'hwi hag a zo peurbadel ho trugarez, gant gouelioù Pask
o listreiñ bep bloaz, ec'h entañit feiz ar bobl a zo gouestlet deoc'h,
kreskit eta ar c'hras hoc'h eus roet, evit ma kompreno an holl, evel maz eo dleet,
gant peseurt badeziant ez int bet gwalc'het, gant peseurt Spered ez int bet ganet
a-nevez ha gant peseurt Gwad ez int bet dasprenet. Dre Hor Salver Jezuz Krist...
Iennadenn gentañ- Kalz a dud en em stage ouzh an Aotrou dre ar Feiz.

Ian LENNADENN

Ar burzhudoù graet gant an Ebestel hag o frezegannoù a lakaer niver an dud fidel da
greskiñ.

LENNADENN EUS LEVRI OBEROU AN EBESTEL 5.12.18

- 12 Dre zaouarn an Ebestel e c'harvezo sinoù ha burzhudoù niverus e-touez
ar bobl.
Kustum e oa an holl (gristenien nevez) d'an em vodañ gant ur spered hepken,
d'indan borched Salomon:
- 13 met a-ziavaez dezho den ne grede en em stagañ outo; met ar bobl koulskoude
o neuze uhel.
- 14 hag ouzhpenn-se, war greskiñ ez eo niver ar baotred hag ar norc'had a grede
en Aotrou, kement ha ken bihan ma vezo degaset war ar plasannoù ar
glañvourien hag e lakaent anezho war gweloù ha krivizhier, evit ma
c'hellje da vitanañ skeud Pêr, pa dremenje, kouezhañ war hini pe hini
anezho:
- 16 hag en em zastum a rae ur bobl a dud eus ar c'herioù diwar-dro Jeruzalem
hag a zegase klañvourien ha tud gwallgasat gant speredoù lous,
hag a vezent holl paret.

SALM 117

2.4, 22-24, 25-27a

- R 1 Lavarit bennozh da Zoue, rak mot eo.
Rak peurbadus eo e garantez. (po Alleluia)
- 2 Ra lavaro Israel : Peurbadus eo e garantez
- 3 Ra lavaro Ti Aaron : Peurbadus eo e garantez
- 4 Ra lavaro ar re a zouj an Aotrou :
Peurbadus eo e garantez.
- 22 Ar Maen taolet kuit gant ar vasonerien
A zo deuet da vezañ Maen-Korn
- 23 A-berzh an Aotrou eo bet graet kement-se
Tra vuzhodus dirak hon daoulagad.
- 24 Hemañ eo an Deiz en deus graet an Aotrou !
Deiz a joa hag a levezeg.
- 25 Hozanna, Roue trec'her ! Hozanna !
Hozanna, Roue Salver, Hozanna !
- 26 Ra vo bonniget an Hini a zeu en anv an Aotrou
Ho penañ a reomp eus Ti an Aotrou
- 27a Doue eo an Aotrou, hag ar Sklarded evidomp !

2^e LENNADENN

Bot on marv ha setu ma'z on bev krennañ da virviken l

LENNADENN EUS LEVR DISKULIADUR SANT YANN l. 9th, 12-13, 17-19

9 Ma. Yann, ho peur hag ho kenseurt on trubuilh, er rouantelezh,

hag er baslanted, e Jezuz, en em gava en enezenn anvet Patmos,
en abeg m'am boa prezeget komz Doue ha douget testeni da Jezuz.

10 Savet e voen a spered, deiz an Aotrou, hag e klevis a-dreñv din, ur vouezh
kreñv, heñvel ouzh trouz un drompilh,

11 hag a lavare :

« Ar pezh a welez, skriv anezhañ en ul levr, ha kas anezhañ d'ar seizh l
(da Efezoz, Smirna, Pergamos, Tiatira, Sardiz, Filadelfia ha Laodikeia)

12 Distreiñ a ris evit gwelout ar vouezh a nomze ouzhin;

hag o vezañ distroet, e wellis seiñkandlor-our,

13 hag e-kreiz ar c'hantolorioù, unan heñvel ouzh maub un den gwisket gant
ur sae hir betek e dreid, ha gouzlet e vrennid(boultrin)gant re gouziz-our.

17 Ouzh hen gwelout e kouezhis e-harz e dreid, evel marv; met en a lakaas
e zorn dehoù warnon en ur lavarout :

« Na spont ket. Me eo ar C'hentañ hag an Diwezhañ,

18 an Hini Bev. Bot on marv, ha setu ne bev evit kantvedoù ar c'hantvedoù.

ha ganin emañ an Alc'hwezioù eus ar Marv hag eus bro an Annon.

19 Skriv eta an traoù ac'h eus gwelet, an traoù a zo, hag ar re a zio
c'hoarvezout war o lerc'h.»

ALLELUIA

Yn 20.

Dre m'ac'h eus va gwelet, Tomaz,
e kredez, eme an Aotrou.

Eürus ar re n'o deus ket gwelet
hag o deus kredet.

AVIEL

Jezuz em ziskouez d'e ziskibien, noz Pask, hag eizh deiz goude, ispisial 1st D

PENNAD EUS AN AVIEL SANTEL HERVEZ SANT YANN 20, 19-31

19 D'aberdaez-noz, en deiz-se, ar c'hentañ eus ar seizhun,

hag an dorojoù serret e lec'h ma oa bodet an diskibien,

gant aon rak ar Yuzevien,

e leuas Jezuz,

hag o chom en e sav en o c'hreiz, e lavaras dezho :

« Ar peoc'h ra vo ganoc'h li

20 Ha goude bezañ lavaret kement-se, e tiskouezas dezho e zaouarn hag e gobez.

Karget e voe an diskibien a levneze o welfout an Aotrou.

21 Lavarout a reas eta Jezuz un eil gwech dezho :

« Ar peoc'h ra vo ganoc'h li Evel m'en deus an Tad va c'haset,

evit-se ivez ma ho kas.»

22 Ha goude bezañ lavaret kement-se e c'hwazhas (warno)

hag a lavaras dezho :

« Resevit ar Spered Santel,

23 Da biv bennak e pardonot o fac'hoù dezho, e vazint pardonet,

hag ouzh piv bennak o dalc'hot, e vazint dalc'hot.»

24 Hogen Tomaz, unan eus an Daouzeg, an hini anvet Didimoz (re Govell)
ne oa ket ganto pa oa deuet Jezuz.

25 An diskibien all a lavaras dezhañ : «Gwelet hon eus an Aotrou.»

Eñ avat, a respontas dezho : «Mar ne welan ket en e zaouarn nerk an tachoù
ha mar ne lakan ket va biz e lec'h an tachoù, ha mar ne lakan ket va dorn
en e gostez, ne gredin ket.»

26 Eizh deiz war-lerc'h, edo adarre an diskibien e-barzh, ha Tomaz ganto.

Jezuz a antreas, an dorojoù serret, hag o chom en e sav en o c'hreiz

e lavaras :

« Ar peoc'h ra vo ganoc'h li

27 Ha da c'houde a lavaras da Douez :

« Lak da viz emañ, ha sell ouzh va daouarn; astenn ivez da zorn,

hag hen laka om c'hostez, ha na vez ket diskredik met kredik.»

28 Ha Tomaz da respont ha da lavarout dezhañ :

« Va Aotrou ha va Doue li

29 Lavarout a reas Jezuz dezhañ :

« Dre m'ac'h eus va gwelet, ac'h eus kredet. Evit ar re n'o deus ket

gwelet hag o deus kredet.»

30 Kalz a siniou all evit gwir a reas c'hoazh Jezuz dirak e ziskibien,

ha n'int ket bet skrivet el levr-mañ.

31 Met ar re-mañ a zo bet skrivet evit ma kredot

ez eo Jezuz ar Mesiaz, Mab Doue,

hag evit m'ho pe dre ho Feiz,

ar vuhez en e anv.

War ar profoù- Degemerit, ni ho ped, Aotrou Doue, ar profoù emañ ho pobl o kinnig
deoc'h, ha grit d'ar re a zo bet nevezet, dre anzav o feiz en
hoc'h Anv santel ha dre ar Vadeziant o deus degemeret, gonit an eürusted peurbad-
del. Dre Jezuz Krist, hon Aotrou. Amen!

rak-kanenn veur -prefas- E gwirionez, Tad Santel, Doue hollc'halloudek ha peurbad-
del, un dra reizh ha dleet eo ho trugarekaat e pep lec'h hag e
pep amzer, met dreist-holl ha gant brasoc'h meuleudi, en amzer santel-mañ, maz eo
bet Jezuz Krist, hon Oan-Pask, lakaet d'ar marv evidomp. Ral Eñ eo an Oan gwirion
en deus dilawet pec'hed ar bed, en deus, en ur adsevel eus ar bez, roet dimp en-dro
ar Vuhez. Setu perak, gant Gouelioù Santel pask, e trid ar bed a-bezh en ur mor a
levneze, hag holl Speredoù galloudusañ an Neñvoù a gan meuleudi d'ho kloar, en ur
lavarout da viken:

antifonenn ar c'heduniñ - Laka da zorn emañ ha gwel lec'h an tachoù. Arabat dit
bezañ diskredik met kredik. Alleluia!

goude keduniñ- Ni ho ped, Aotrou Doue hollc'halloudek, grit d'ar Sakramant hon eus
degemeret hag a zegas soñj dimp eus Mister santel pask, dougen
frouezh padus en hon eneoù. Dre Jezuz Krist, hon Aotrou. Amen!

trede sul an amzer Fask

kanenn mont-tre- salm 65- Youc'hit d'an Aotrou Doue, douar a-bezh, kanit gloar d'le Anv, roit dezhañ ar vrasañ meuleudi. Alleluia !

kempedenn- Ra vo ho pobl dalc'hmat el levezeg, Aotrou Doue, paz eo nevesaet yaou- kiz an-eneoù. Ha, bremañ, maz omp adlakaet e renk klodus ho pugale, roit ar c'hras da c'hortoz gant un esperañs leun a anaoudegezh vat adsav ar c'horfoù marv d'ar vuhez. Dre Hor Salver Jezuz Krist, ho Mab hag hon Aotrou a vev hag a ..

1an LENNADENN

Gwelloc'h sentiñ ouzh Doue eget ouzh an dud, emañ an Ebestel. Ni a zo testoù eus ar pezh an deus graet Doue, ha gantomp emañ ar Spered Santel.

LENNADENN EUS LEVR OBEROU AN EBESTEL 5 Ob. 27b-32, 40b-41

En deizioù-se.

- 27 e reas ar Beleg Mour goulennoù ouzh an Ebestel :
- 28 « Difennet grañs hor boa ouzhoc'h, emezañ, reiñ kelennadurezh en anv andan ha petra 'zo en em gavel? Leuniet hoc'h eus Jeruzalem gant ho kelennadurezh, hag e fell deoc'h lakaat da gouezhañ warnomp gwad an den-se »
- 29 Neuze e respontas Pêr hag an Ebestel gantañ ar c'homzoù-mañ :
« Sentiñ a ranker ouzh Doue kentoc'h eget ouzh an dud.
Doue hon Tadoù en deus adsavet Jezuz a varv da vev, hag ho pos c'hwi lakaat d'ar marv ouzh hen lakaat e-pign ouzh ar C'head.
Hennezh eo en deus Doue uhelaet evel Penranner ha Salver, gant e zorn dehoù, evit reiñ ar spered a binijenn da Israel, hag ar pardon eus ar pec'hedoù.
- 32 Ha ni e zo testoù war an holl draoù-se, ni hag ar Spered Santel en deus reat Doue d'ar re a sent outañ »
- 40b Difenn a rejont ouzh an Ebestel komz en anv Jezuz, goude bezañ o skourjzet hag o lezjont da vont.
- 41 Int-l neuze a gultaas (sal, ar C'huzul-Mour, stad ehno o vezañ na oant bet dellezek da c'houzañ dismegañs evit Anv Jezuz.

SALM 29

2 & 4, 5-6, 11-12a &

R 2a Uhel ho meulan, Aotrou Doue Rak va adsavet hoc'h eus. pe Alleluia.

- 2 Uhel ho meulan, Aotrou Doue, rak va adsavet hoc'h eus Hep Laouenaat va enebour diwar va fenn.
- 4 Diframmet hoc'h eus va enn eus an Ankoù Va adgalvet d'ar vuhez a-douez ar re a ziskenn er poull.
- 5 Kanmeulit an Aotrou Doue, c'hwi, e vignoned, Meulit e anv santel.
- 6 Ur mamedig e pad e gouinnar, a-hed ar vuhez e garantez! D'abardaez daerou! Diouzh ar heur/milurip levezeg !
- 11 Sejaouit, Aotrou Doue, ho pet truez Rait din sikour !

trede sul an amzer Fask

- 12a Troet hoc'h eus va c'hañvoù o dañsoù
- 13b Aotrou, va Doue, da viken, trugarez deoc'h !

2^a LENNADENN

Dileet eo d'an Oun hag a zo bet lazhet degemer ar Rouantelezh hag an Doueelezh. LENNADENN EUS LEVR AN DISKULIADUR SANT YANN 6 Disk. 1

- 11 Me, Yann, a sellas, hag a glevas mouzhañ un niver bras a Aeled tro-war-dro d'an tron, d'ar C'hrouadurioù Bav ha d'ar Re-Gozh. Bez'eo oa anezho mil-miliadoù a vil-miliadoù ha miteroù a vil-teroù, hag e lavaront gant ur vouezh kreñv :
« Dallezek eo an Oun, an Oun hag a zo bet lazhet, da resev ar galloud ha pinvioegezh, turnez ha nerzh, enor ha klod ha meuleudi !
- 13 Hag an holl draoù krouet, ar re a zo en neñv ha war an douar, ha dirktan an douar ha war ar mor, ha kement a zo emmo, a glevus holl o lavarout :
« D'an hini a zo aezet war an tron, ha d'an Oun, ar voueudi, hag an errou, ar c'hlod hag an nerzh evit kaptvedoù ar c'hantvedoù.
- 14 Hag ar pover C'hrouadur Bav a lavaro : Anen !
Hag ar re-Gozh a gouezhas war o genoù hag a zekulas.

ALLELUIA

Gouzout a reomp ez eo savet Hor Salver Jezuz-Krist a varv da vev, o gwirionez, C'hwi, foud trec'hout, ouzhinig ho pet truez.

AVIEL

Jezuz savet a varv da vev en un ziskouez d'an Ebestel war ribl ar mor hag a ro da Bêr gollout war an Iliz.

PENNAD EUS AN AVIEL SANTEL HERVEZ SANT YANN 21, 1-19

pe stalen berrañ id. 1-14

- 1 En amzer-se en em ziskouezas Jezuz adarre d'eo ziskibien war ribl ar mor liboried. Setu anañ penaos en em ziskouezas :
- 2 Edo a-gevret Simon-Pêr ha Tomaz, an hini lesanvet Didimoz, Natanael hag a oa eus Kana Galilea, mibien Zebedeo ha daou ziskibl all.
- 3 Ma lavaras Simon-Pêr dezho :
« Me a zo o vont da besketa »
Hag e lavarjont dezhañ :
« Ni a zo o vont ivez ganit »
Hag int da vont ha da bignat er vag; met en noz-se ne bakjont potra.
- 4 Kroy e oa dija an deiz da c'houlaoùñ, hag e touas Jezuz d'ou an lakaat en e sav war an aod; met e ziskibien ne oient ket e oa Jezuz.
- 6 Jezuz a lavaras dezho : « Paotred, ha tapet hoc'h eus-hu un dra bonnak? - Notra, emezo.
- 6 Hag eñ da lavarout dezho : Taolit ho roued en tu dehoù d'ho pog hag e kavot ! Ho roued a rejont ha n'edont ken evit ho zennañ er-naez en abeg da niver bras ar pushed.
- 7 Neuze an diskibl karet gant Jezuz, a lavaras da Bêr :
« An Aotrou eo ! »
Simon-Pêr o klevout eo an Aotrou e oa a stardas e wis-kamant-gorre en-deu d'eo zargreiz, rak en nozh-odo, hag en em doulas er-mor.
- 8 An diskibien all a zekulas gant ar vag, rak n'edont ket poull diouzh an douar, nemet daou c'hant ilined, ha war o lerc'h e stlejont ar roued leun a besh.
- 9 Pa ziskumjont war an douar, e weljont eno un tan glouo bay.

trede sul an amzer Fask

- ur pesk warno, ha bara.
- 10 Ha Jezuz da lavarout dezho :
 « Degasit unan eus ar pesked hoc'h eus tapet bremaik.»
- 11 Simon-Pêr eta a bignas en dro hag a sachas ar roued d'an douar,
 onni e oa kant tri hag hanter-kant a besked bras:
 ha daoust ma oa kement anezho, ne fregas ket ar roued.
- 12 Jezuz a lavaras dezho :
 « Douit da zebriñ ho tijuni.»
 Hag hini ebet eus an diskibien ne gred e goulenn digantañ :
 « Pliv out-te? rak gouzout a raent e oa an Aotrou.
- 13 Neuze e tостаs Jezuz hag o kemer ar bara hen ross dezho, ha gant ar pesk
 e reas heñvel.
- 14 Honnezh e oa an deirvet gwech da Jezuz d'en em ziskouez d'e ziskibien abaoe,
 ma oa savet a-douez ar re varv. (fin al Lennadenn verrañ)
- 15 Goude o fred e lavaras Jezuz da Simon-Pêr :
 « Simon, mab Yann, ha va c'harout a rez-te muioc'h eget ar re-niñ?
 Respont a reas :
 « Ya, Aotrou, te oar e karan ac'hanout.»
 Ha Jezuz a lavaras dezhañ :
 « Boueta va caned !»
- 16 Lavarout a reas dezhañ evit an oñl gwech :
 « Simon, Mab Yann, ha va c'harout a rez?
 - Ya, Aotrou, emezañ, te a oar e karan ac'hanout.»
 Hag e lavaras dezhañ :
 « Mesa va deñved !»
- 17 Evit an deirvet gwech e lavaras dezhañ :
 - Simon, Mab Yann, ha va c'harout a rez?
 Glac'haret e voe Pêr, o vezañ m'ei devoa lavaret dezhañ evit an deirvet gwech.
 Ha va c'harout a rez, hag a lavaras dezhañ :
 « Aotrou, pep tra e ouzout, te a oar e karan.»
 Jezuz a lavaras dezhañ :
 « Boueta va deñved !»
- 18 E gwirionez, e gwirionez- ma a lavar dit : Pa oas yaouank, e lakaes da c'houzuz
 da-uman, hag ez aes d'al lec'h a blije dit : net pa vi aet kozh, ec'h
 estenni da zaouarn hag un all a lako dit da c'houzuz hag ez kaso d'al le:
 n'sz po ket c'hoant da vont.»
- 19 Lavarout a reas kement-se da aroueziañ (da verkñ) dre ha varv e tlee reiñ gloan,
 da Zoue. Ha goude bezañ lavaret kement-se e lavaras dezhañ :
 « Deus d'am heul !»

war ar profoù- Plijet ganeoc'h, ni ho ped, Aotrou Doue, degener profoù hoc'h Iliz
 el levez, ha peogwir ez eo c'hwi hoc'h-unan a zo penn-abez
 d'al levez vras-se, roit dezhi ivez ar c'hras da dañva, un deiz, al laouenidigez-
 zhiou peurbadus. Dre Jezuz Krist, hon Aotrou.


rak-kanenn vevr- prefas - E gwirionez, Tad santel, Doue hollec'halloudek ha peurba-
 del, un dra reizh ha dleet eo ho trugarekaet e pep lec'h hag e
 pep amzer, met dreist-holl ha gant brasoc'h meuleudi, en amzer santel-mañ maz eo
 het Jezuz Krist, hon Oan-Pask, lakaet d'ar marv evidomp. Drezañ e vez ganet d'ar
 vuhez peurbadel bugale ar sklerijenn ha d'an dud a gred ennañ e vez digoret do-
 rioù palez an Neñvoù. Rak hor marv-ni a zo het dasprenet gant e Varv dezhañ e-u-

trede sul an amzer Fask

nan, ha paz eo bet adsavet d'ar vuhez ez eo bet adsavet an holl dud d'ar vuhez.
 Rak-se, gant gouelioù santel Pask, e trid ar bed a-bezh en ur mor a levez hag
 holl Speredoù galloudus an neñvoù a gan meuleudi d'ho kloar, en ur lavarout da
 viken:

antifonenn ar c'heduniñ- Luk.26- Ret e oa d'ar Mesiaz gouzañv poan hag adsevel
 a-douez ar re varv, ha ma vefe embannet en e anv ar
 binijenn hag ar pardon eus ar pec'hedoù d'an holl bobloù. Alleluia!

pedenn goude keduniñ- Taolit ur sell a garantez, ni ho ped, war ho pobl, Aotrou
 Doue, ha peogwir ez eo bet plijet ganeoc'h nevesaat ane-
 zhañ gant misterioù peurbadus, roit dezhañ ar c'hras da gaout, un deiz, lod e glo-
 ar ar c'horfoù marv oc'h adsevel evit ar vuhez na dremen ket. Dre Jezuz Krist...



pevare sul an amzer fask

kanenn mont-tre- salm 33- Leun eo an douar gant karantez Doue. Dre an Aotrou Doue ez eo bet diazezet start an Nefvou. Alleluia!

kempedenn- Doue hollc'halloudek ha peurbadel, renit ac'hanomp d'al levezoniou peurbadus, evit ma c'hello deñved dinerzh ho tropellad erruout el lec'h m'eo aet a-raok dezho ar Pastor nerzhus.

lennadenn gentañ- Krediñ a reont embann Jezuz Krist.

1an LENNADENN

Sant Paol ha Sant Barnabaz o trelañ war-zu ar Baganed, peogwir ne fell ket d'ar Yuzevien selaou o c'hanou.

LENNADENN EUS LEVR OBEROU AN EBESTEL 13. 14. 43-62

- 14 En deizioù-se Paol ha Barnabaz o vont pelloc'h eget Perge,
a drauzas ar vro hag a erruas en Antiokia eus Pisisia.
Un deiz Sabad ez ejont d'ar sinagogann hag ez azezjont.
43 Pa voe echu an emvod, kalz eus ar Yuzevien hag eus ar Brozelited devot
a yeas da heul Paol ha Barnabaz:
hag ar re-mañ o komz outo, o alia start da zerc'hel mat da c'hras Doue.
44 Ar sabad war-lerc'h, holl dud kêr-Antiokia, pe dost, en em vodas
evit klevout komz Doue.
46 O walout ar bobl-se, ar Yuzevien, a voe leun a warizi hag a zislavare
gant blasfemoù komzoù Paol.
46 Met Paol ha Barnabaz, savet hardizhegezh dezho, a lavaras :
« Deoc'h-c'hwi da gentañ e oa rei e vije displeget komz Doue.
Met peogwir e tizarbennit anezhi, ha peogwir n'en em sellit ket dollezek
eus ar vuhez peurbadus, setu n'en em droomp war-zu ar Baganed.
47 Rak evel-se en deus an Aotrou (Doue) gouc'hennonet deomp :
Da lakaet em eus evel sklerijenn d'ar Broadoù
evit ma kast ar silvidigezh betek ar penn-pellañ eus ar bed.
48 O klevout ar gerioù-se, ar Baganed a voe laouen hag en em lakaas da reiñ
klod (glori) da Gouz an Aotrou, ha kement kint a oa merket evit ar vuhez
peurbadus, a zeuas d'ar feiz.
49 En em skignañ a rae Komz an Aotrou dre ar vro-se a-bezh.
50 Met ar Yuzevien a blantas pennadoù er gwraegez devot a renk uhel,
hag a pennoù-bras kêr, hag a lakaas da ziroñañ heskinadeg a-enep Paol
ha Barnabaz; ha kêriz o argesas diouzh o douar.
51 Met int-i a hejas a-enep dezho ar boultreñ diwar o zreiz
hag a yeas da Ikonion.
52 Hag an diskibled a oa leun a levezon hag eus ar Spered Santel.

SALM 99

R 3c Ni a zo e bobl ha deñved e beuvan,
pe Alleluia

- 2 Youc'hit gant jon d'an Aotrou, douar a-bezh.
Servijit an Aotrou gant levezon,
Il dirazañ en ur ganañ.

2,3,5.

pevare sul an amzer fask

3 Gouvezit ez eo an Aotrou a zo Doue
Eñ eo hor greas ha heket ni Kouman,
E bobl ez omp ha deñved e beuvan.

99

6 Rak mat eo an Aotrou Doue
Peurbadus ez eo garantez
A rumm da rumm a lezled.

2^e LENNADENN

Holl dud an holl bobloù a zo galvet ivez da gener perzh e greoù an Aviel hag e klod an Oan, o Salver!

LENNADENN EUS LEVR DISKULIADUR SANT YANN 7. 9. 14b-17

- 9 Me, Yann, a welas ur bobl niverus a dud ha no c'hella den o c'hontañ,
eus an holl vroioù, eus an holl veuriadoù, eus an holl bobloù,
eus an holl yezhoù.
En em zerc'hel a raent en o sav dirak an Tron ha dirak an Oan,
gwisket gant dilhad gwenn, ha bodoù-palmes en o daouarn.
14b Neuze unan eus ar Re Gozh a lavaras din :
« Ar re-se eo ar re a zo deuet eus an drubuilh vras,
gwalc'het o deus dilhad hag o gwennaet e gwad an Oan.
15 Setu perak emaint dirak Tron Doue hag oc'h ober ar servij anezhañ deiz ha neiz
en e Dimpl, hag an tlini a zo azezet war an Tron o gwaskedo dindan
e Deltenn.
16 N'o devezo mui a naon, n'o devezo mui a sec'hed, na skoio ken warnezho
nag an heol, na tonndur ebet, rak an Oan hag a zo e-kreiz an Tron,
a vo o Pastor, hag o reno otrezek founteunioù an Dourioù a Vuhaz,
hag e sec'ho Doue an daeroù diouzh e daoulagad.»

ALLELUIA

Yn. 10.

Alleluia.
Me eo ar Meseer mat,
eme an Aotrou,
Hag anaout a ran va deñved-me
Ha va re-me am anavez.
Alleluia.

AVIEL

Ar Pastor mat m'eo Jezuz a ro ar Vuhaz Peurbadus d'e zeñved.

PENNAD EUS AN AVIEL SANTEL HERVEZ SANT YANN 10. 27

En amzer-se e lavaras Jezuz :

- 27 « Va deñved a selaou va mouezh; ha me o anavez, hag int-i a zeu war va lez,
28 reiñ a ran dezho ar vuhez peurbadus, ha ne daint da goll biken,
ha den ebet n'o difranno eus va dorn.
29 Va Zad hag en deus o root din-me, a zo brasoc'h eget an holl,
hu dun ebet ne c'hell o difranmañ eus dorn va Zad.
30 Va Zad ha Me a zo unan.»


war ar profoù- Plijet ganeoc'h, ni ho ped, Aotrou Doue, reiñ dimp ar c'hras da ve-
vañ el levezon dre nerzh ar Misterioù-mañ a zegas da soñj eus
Pask hor Salver, evit ma c'hello an aberzh a vez kinniget hep paouez evit silvi-
digezh ar bed, bezañ evidomp mammenn a levezon dizivezh. Dre Jezuz Krist...

pevare sul an amzer Fask

rak-kanenn veur - prefas 4 - E gwirionez Tad Santel, Doue hollc'halloudek ha peur badel, un dra reizh ha dleet eo ho trugarekaat e pep lec'h hag e pep amzer, met dreist-holl ha gant brasoc'h meuleudi, en amzer santel-mañ maz eo bet Jezuz Krist, hon Dan-Pask, lakaet d'ar marv evidomp. Rak o kinnig e Gorf war ar Groaz en deus evel-se degaset da wir holl aberzhioù al Lezenn Gozh, hag ouzh en em reñf E-unan deoc'h-c'hwi evit hor silvidigezh, en deus diskouezet e oa war un dro Beleg, Aoter hag Dan an aberzh. Rak-se, gant gouelioù santel Pask, e trid ar bed a-bezh en ur mor a levenez, hag holl Speredoù galloudus an Neñvoù a gan meuleudi d'ho kloar, en ur lavarout da viken:

antifonenn ar c'heduniñ - Yn 20.19 - Chom a reas Jezuz en e sav e-kreiz e ziskibi-hag e lavaras dezho: Ar peoc'h da vezañ ganeoc'h! Allel.

goude keduniñ - Taolit ur sell a vadelezh war ho pobl, ni ho ped, Aotroù Doue, peogwir ez eus bet plijet deoc'h nevesaat anezhañ gant Misterioù peurbadus, / roit dezhañ ar c'hras da gaout lod e gloar ar c'horfoù marv oc'h adsevel evit ar Vuhez a bad da viken. Dre Jezuz Krist, hon Aotroù. Amen !



Ar Fulenn a zo kaieroù evit harpañ ur vuhez kristen bevet en hor yezh
chomlec'h: ar presbital - 29223 Plouneour-Menez
prizh: 3 lur, 5 lur dre ar post